




南齋詞卷一

祁門 馬曰璐

百字令 自述

平生堪笑算浮湛里巷年華虛擲卻是天公真解
事未付凌雲雙翮踈箔遮門幽蘭紉佩自鼓湘靈
瑟有書千卷落然惟此朝夕 曾幾酒熟茶香輕
教負了花底分吟席嶽色河聲曾攬結總是閒中
踪跡小婦東方大兒文舉豪氣非吾匹與人無競
頓忘青鏡頭白

月上海棠



南齋詩 卷一
憑闌最好昏黃後月初圓花正滿時候萬疊千圍
影垂垂睡容銷酒籠煙外一片波光壓繡雙禽
棲處描難就認梨花不似梨花瘦玉局飛仙漫哦
吟問曾知否西樓曉尚留殘雲護守

春去也

送春

春去也樓外夕陽斜亂擲榆錢渾不管多情猶是
算楊花相倩到天涯

河傳

秋日登
看山樓

竹院涼漸袂衣催換石徑留苔風爐試茗愛看遠
岫如揩展秋懷 高樓三五斜行鴈殘陽晚酒半

輕雲卷秋容易老還怕後夜重過葉飛多

憶故人

懷樊榭
嘯齋

江影搖涼故人同泝澄波去夜闌清露滴篷窗想
見吟聲苦 遙問兩湖鷗鷺近中秋圓蟾極浦水
仙祠冷伍子山空看潮何處

定風波

聽蕙田
談往事

往事驚心叫斷鴻燭殘香炷小窗風噩夢醒來曾
幾日愁迷山陽笛韻併成空 遺卷賴收零落後
牢愁不畔盛名中聽到夜分惟掩泣蕭寂一天清
露下梧桐

惜黃花

九日禪智寺

前朝蕭寺故宮遺址撥荒荆飲寒泉孤亭同倚葉
響下遙林鴈影沉殘水畫不到舊時歌吹
黃花開矣素秋如此歎重過易飄零滿襟涼思擁鼻晚
鐘前側帽西風裏一轉瞬碧雲千里

金菊對芙蓉

曲溪招飲莎園時
蕙田西疇俱臥疾

梵刹題糕離宮弔古佳辰回首駸駸悵無多冷艷
何處幽尋蕭疎柳老東城曲重陽展招我登臨半
池淺水數聲斷鴈一片秋心
有酒好與頻斟莫
等閒負了斜日園林問西風陳跡北郭清吟故人

漳浦重來否怕重來不似而今殘花欲謝涼蟾易
缺短髮難簪

行香子

憶焦山
舊遊

冠絕平生那易忘情好江天勝處都經幽襟淡愜
夜閣寒清有鶴飛空梅著夢月窺吟
雲影冥冥鐘韻星星一追思詩卷崢嶸佛燈無盡山色常青
趁風未起人猶健笛堪橫

漢宮春

定窑蠶蛾香合傳
是宮奩中物因賦

素旂銀泥問蟲天舊製劃自何時詩人向曾掘得
一樣如規冰蛾蠕動認春山八字脩着休揭起鷓

斑盛處妬他蜂蝶雄雌 幾度沉埋天水歷春鷓
秋蟀歲籥潛移遙思織宮繭館心字香知雲垂寶
枕篆綢繆珥後殘絲還試與妍粧釵畔暖金雪裏
同攜暖金
盒名

探春慢

柳眼回青蘭芽吐白天氣留寒做暖風驗初三辰
迎涉七殘雪林陰猶滿已辦吟筇去擬約住春心
教轉剛逢遊伴重來去年何處亭館 入眼梅紅
一翦早水活雲生酥香泥軟誇酒旗高聽鶯院迴
次第芳踪難緩待取收燈後煙汀外扁舟堪喚過

卻花期歸來猶認雙燕

渡江雲

觀吳淞草堂圖
因憶梅泚京師

并刀誰翦得浪花滿眼活脫是鱸鄉甚高人占取
渺渺瀾瀾畫裏着茅堂亭荒釣雪舊風流總付斜
陽還剩得眠雲臥月千載有王郎 蒼茫三年白
社兩載東華攪離愁千丈憶那日霜題暮葉雨話
閑窗飛鴻昨遞春來信說歸來猶趁梅香歸未準
吟魂先渡煙江

蘇養直至雁菴草堂句笛臥
松江明月簑披笠澤歸雲

掃花遊

春分

春來幾日被燕翦輕裁遽驚如許珠歌翠舞又匆

南齋詩 卷一
四
匆截斷社公微雨寂寞鞦韆寒食歡遊尚阻莫虛
度把未去韶光從此重數 芳信成淒楚看半在
花梢半歸塵土華年坐誤只藏鬪刻蠟不隨飛羽
挑菜前期恍似佳人再遇試凝佇怕錫簫杏煙吹
暮

如此江山

春日平山堂

幾回閑覓行春路催春又聞啼鳥一徑松聲千年
水品愁絕吟筇重到堂高望杳早江外脩眉數痕
青了倚遍闌干海門雲氣自飄渺 清商同理舊
曲悵蠻箋墨暗總付鴻爪雨砌催香霜池換碧羸

得尊前懷抱春風易老只楊柳依然那堪斜照壁
上龍蛇斷碑埋細草

相見歡

三月望後一日喜西疇見
過時朝雨初霽牡丹正放

故人藥裹關心隔秋吟重到小園聽鳥已春深
相看好成一笑展幽襟別有一闌花氣破重陰

壺中天

坐環溪紫藤花下

暮春時節正雨潤芳園草香苔徑前度桃花渾不
見一架垂藤相引樹密牽雲橋橫隔水妙處閑能
領蜂喧人寂遊魚空裏吹影 曾記摘蕊娛賓依
稀還認是年時風景只恐黃昏春欲去漠漠紫煙

南齋詩 卷一 五
愁暝散髮哦詩深杯喚月月在前山頂夜深歸去
袷衣雲氣侵冷

柳梢青

效許圭
塘體

望裏青帘梅橫竹亞露出晴嵐燕子紅樓楊花深
巷蝴蝶春衫 幾回夢倚雲帆染不就波光嫩藍
秧鼓村村菱歌浦浦好箇江南

邁陂塘

新荷

愛田田乍舒還捲鈿痕初試圓翠風裳水佩年時
約又是舊情撩起翻嫩紫看帶荇縈萍一半平鋪
水眠鷗漫喜更幾日薰風一番梅雨想見鏡奩裏

參差處南北東西十里輕陰堪覆魚戲天機雲
錦還遲翦未有畫船來艤煙檻底怕香薄西亭漸
到綃衣碎風輕露墜趁弱柄搖詩柔絲續夢已解
瀉鉛淚

疎影

桐影

交柯疊翠看晨光着露初引清致啜茗林深弦外
音希時有綠雲潛委蕭疎滿地簾垂午誤翠羽參
差窗底愛夜深淡映明河雨過嫩陰如水 還認
龍祠舊事是當年綵筆憑夢曾寄怨煞西風看月
斜時不與故人同倚愁來無覓秋聲處更那料秋

南齊詩 卷一 六
心如此待好將一幅煙綃寫作畫中高士

點絳脣

水南花墅
同樊榭作

有竹臨窗秀枝娟色陰陰遍冷雲一片吹滿題詩
硯 記得曾來隔水閑亭館廊腰轉酒薰花面斜
日春風晚

澡蘭香

釵符

輕裁玉篆巧疊文茸占卻午釵畫永瑤梁暗裊翠
股雙懸慣與繭花相並早相看辟魘靈辰曾壓幽
閨鬢影小小宜人也似銀旛金勝 底用縈絲作
佩護得粧臺恁般閑靚菰香換節艾碧消年夢斷

楚江明鏡憶當時綵鳳銜將幾向薰風爲整祇剩
得咒水書朱翻教愁凝

揚州慢

雨後登
康山

迂徑梯苔瘦筇支午碧天喜放新晴倚闌干半濕
動幾許遙情已難覓當年舊跡四條弦絕何處弦
聲聽鳴蟬騷屑和風吹滿重城 朗吟望極有脩
眉江外如迎悵樂府詞工歌筵夢冷無限愁生邈
想百年良會消沉付落日荒亭看涼雲飛去林陰
移過鷗汀

長相思

南齋詩 卷一 七
愁中心悶中心我有相思一點心將來作你心
結同心折雙心心字香消幕上心陶家別有心

齊天樂 送樊榭
歸湖上

片帆約共雲陰遠相看已縈愁緒淡景邀詩遙情
入畫綠暗前時來路汀荷苑樹有花底魚經柳邊
簫譜水夢山魂朗吟飛向鏡奩去 湖頭應憶舊
侶正疎篁露滴如對幽語病渴文園耽佳飯顚算
是襟分幾度離杯漫舉待潮落江天片時延佇直
到涼秋翦燈同聽雨

惜紅衣

小漪南池
上坐雨

細點分萍濃煙暗竹雨來波際曲檻閒憑紅衣動
涼思鷗飛鷺立同照影盈盈一水清致塵事盡忘
領微微花氣 漁鄉釣里橫笛披蓑還尋舊風味
何人載鶴一舸柳陰艤不怕粉痕零落定有采蓮
歌起又暮霞流影倒映碧羅叢底

浪淘沙 風篁

鸞尾舞清陰撼撼森森未秋先自有秋心何況秋
來風又起戛玉篩金 斷續倚窗琴似和微吟故
人門外恰相尋別派洋州留畫本泉冷山深

鵲橋仙

七夕
立秋

魚雲消影蛛絲牽恨愁到今年又別一年一度泛
靈槎恰逗着金風時節 針樓粉席人間天上涼
意離情誰說銀河萬里瀉無聲聽一片隋階梧葉

又牽牛花

碧羅天色碧羅雲氣籠着淡花如染越窰秋錦小
屏風錯認了星躔一點 娟娟涼露娟娟殘月回
憶舊時茅店人間不是少疏籬還只怕窗兒雙掩

霜天曉角 秋河

疎杵敲商看銀河隔墻隔得鸞飛鵲杳終不隔是
王昌 微茫秋影涼濕梧飄怨長倒瀉小池深處

籟一陣藕花香

雨中花 山館雨中看桂

寂寞兩株松樹底占不到月中田地一簇涼雲一
層涼雨也把瓊珠試 詰曲闌干邀共倚怕幾日
瑣奩香碎水思明朝山情昨暮總入閒吟裏

臨江仙 九日環溪雨中芙蓉

圓菊籬邊綻未嬌蓉池上開多酒籌詞筆意如何
鴈飛窺膩玉風起浴明波 記得去年今日竹西
亭畔經過紅萸烏帽惜蹉跎爲誰雙臉淚還唱六
么歌

解佩令

秋日同人坐
七峯草亭

天空鳥過亭空雲過碧泠泠嫩梢千箇待得秋深
奈鎮日無人同坐喜清陰瘦筇分破 行歌也可
醉眠也可淡襟懷茶煙一朵碎影麤金看不厭石
儒裝裹勝遙山夕陽錯磨

訴衷情

寒螿

噉噉唧唧幾昏黃所歷盡愁鄉已是草根無綠猶
自說淒涼 吟欲絕思偏長近單牀鳴機燈暗弔
月闌空一片風霜

定風波

見蕙田手
跡有感

定了風波越轍軻卽看浩劫歷恒河東野亡來吟
興懶腸斷偶披遺墨淚痕多 宿草身名歸寂寞
殘陽神采付煙蘿不忍頻開好藏弄休語才人無
命可如何

南浦

送梅沂
入都

三載滯京華算歸來未暖鷗邊吟席梅子雨聲中
孤篷底曾把朋箋同擘萼鄉橋市煙波不解留行
客一舸垂虹橋下路怕見冷楓愁夕 如君東朔
才高甚長教乞米紅塵紫陌匹馬亂山時霜風緊
應念玉醪香拆今來異昔不堪雙鬢侵寒色盼得

南齊詩 卷一
君來君又去江上暮雲飛白

漁父家風

題水雲
漁屋

依稀釣罷月來時雲影漾茅茨不須更放扁舟去
人臥碧琉璃邀漁伴狎漁兒是漁師一聲霜笛
兩岸蘆花飛起鷓鴣

浣溪沙

點九
圖

雪艷冰姿着意描相思一點托紅椒帶人春思起
今宵數到東風花共瘦得來芳信夢還遙燕支

難把斷魂招

余向有悼亡
梅花卷子

於中好

補屋

三間老屋橋西住取聊蔽經年風雨短籬一帶從
遮護只忙了牽蘿女空簷雀與空倉鼠又早是
寒天將暮風饕雪虐公無苦只礙了雲穿處

鷓鴣天

歲暮子役
風雨舟中

免筆魚箋着處安吟情約共水雲寒江天夢隔聲
聲雨圖障綠慳面面山忘日暮逼年殘鎮對官
河水半灣鴈程若得西風力翻少篷窗一段閑

采桑子

期玉井
不至

孤篷隔處橫煙素盼煞吟朋辜負吟燈細雨尖風
鴈一繩高城暮色連揚子江樹寒青漁火迷冥

南齋言 卷一
一夕相思落遠汀

風入松 舟宿
焦山

寺門舟泊記嚴宵清味得來饒層巖難覓前遊跡
勝前遊蓬底蕭蕭雨歇魚天夢闊鷗飛江影燈搖
紅窗不隔海雲飄夜悄燼頻挑魂清夜半翻無
寐和吟聲一綫寒濤報道朝來風便抽帆怕轉松
寥

卜算子

金山歸泊江
口逢敏公

衣上浪花多掠岸舟難住更有何人得得來沙際
拳寒鷺 瓜渚已炊煙浮玉仍飛雨回首江天杳

靄中閑與山僧語

柳梢青

兩明軒
新柳

月縮風牽枝枝葉葉掩映樓前今暮纖看昨朝青
眼後日晴綿 等閑只傍吟箋甚不管鶯聲嫩圓
種自何時江潭人老白髮年年

綺羅香

春寒

借暖簾低尋芳戶悄天氣梅前燈後雨雨風風一
月峭寒依舊已多時火徹金猊又重看線停鴛繡
憶年來花發鶯啼淒清不似這時候 蕭然苔徑
嫩約相對吟箋墨淡休教輕負翦翦愁痕藏取林

香淵秀最難禁雪點華顛長泥他翠扶雙袖瘦稜
稜歸擁重衾夜窗人病酒

又春陰

宿雨籠雲輕寒殢酒何日晴光方準庭院悵悵過
了一分花信梨玉慳羃霧誰禁柳眉鎖帶煙難認
最消凝簾捲湘波欲彈春思緩瑤軫層層芳靄
不散遙望嵐容似醉供愁無盡夢隔江南曾結幾
番燈暈費爐熏閑卻吟衫剋晝景做成離恨乍憑
他夕照吹開奈何天際暝

一痕沙

池中梅影

已是梅花清絕添映一層晴雪春入翠蓬深小池
心可有吹香魚聚魚亦不知香處玉笛晚蒼蒼
襯雲涼

鷓鴣天

晚晴

帖子朝朝畫丙丁晚來才及一分晴斜臨燕戶籠
雲淡半界花脣帶雨明攜素約上高層闌干紅
處遠山橫縱然說是黃昏近越布吳鞋自此輕

浣溪沙

竹粉

淡撲輕勻脫錦綉香含玉雪不勝情楚詞書處一
層層可是暖雲潛殺取卻疑涼露暗調成北窗

南齊詩 卷一
留看午風清

蘇幕遮

涼雲

觸幽巖生暗峽一片飛空冉冉輕陰壓火傘炎官
無避法趁送吟筇日午剛遮匝 港沉魚船聚鴨
愛結花香移處涼荷插便有清風來片霎莫變紅
霞雨挂空江塔

思佳客

戊辰冬日南圻以合歡一株移植山館
時余有騎省之戚因賦此闕以寄南圻

葉底花開憶淺紅茸茸煙穗夜情濃移來繡閣文
紗外栽向斜陽小院東 離故土帶薰風可憐時
節是清冬知君贈我非無意欲把芳名故惱公

百字令

分咏釀事
得酒牀

秫收三畝是浮蛆泛蟻經營之始六尺松根橫據
處中有氤氳天地枕麴風高藉糟人遠見此心先
醉葛巾微漉策勲吾事足矣 堪愛欲咽還流愁
痕滴破未礙寒宵睡杜康私語渾疑雨撩起篷窗
滋味色濺珍珠香蒸雲夢臥甕人知此年年偷撇
小槽花下尤美

青玉案

分咏茶事
得茶人

一生只識蒙山路慣摘遍陽崖樹香染衣裾雲上
屨竹間苔裏野泉靈渚佩篋常來去 報春好鳥

啼難住穀雨年年又春暮老盡山中風貌古鹿麋
為伴煙霞為侶也合陶家鑄

唐多令

野泛上巳
前二日

淺水半拖藍桃紅宿雨含過籬門畫裏閑探鷗鳥
不飛魚聚影船一隻小橋南 花港接漁菴斜陽
此尚耽算南園清景都諳何日推篷重命酒肴月
好約初三

點絳脣

虛舟先生竹根私
印刻王郎二字

兩字秦文是誰留得良常叟露鐫霜鏤翦取凌雲
瘦 紙尾曾鈐奕奕蛟蛇走今何有檢封依舊天

壤名同久

虛舟官
驗封司

謁金門

查梅壑晚
樹歸鴉

孤村遠流水小橋秋晚木葉無多霜欲染昏鴉飛
數點 想見野情蕭散獨立斜陽數遍待得寒風
翻雪片柴門依舊掩

南齋詞卷一終

南齋詞卷二

祁門 馬曰璐 佩兮

江城梅花引 行菴感舊

十年詞筆擅江城占秋清鬪僧清何事而今林葉
半飄零重到閒庭看竹色夢魂遠一竿竿憶舊朋
舊朋舊朋此經行風裏萍曙後星聚也聚也聚
不似春鳥和鳴只有簷前高樹挾濤驚何況無端
輕錄別人去也隔江南又幾程

摸魚兒 秋光

愛秋晴瘦痕如水遊氛總化澄澈英英晶晶無窮

意時向淡中飄忽清欲絕算氣斂層空不妬雲明
滅吟情正怯看着物生涼侵衣做爽潑眼那能說
無多處白鳥蒼蒹騷屑五湖吟思飛越脩蛾翦
翠窺天鏡鮮墨暗收行篋愁更切怕臨水登山依
黯陽關疊深杯漫別剩沆瀣樓臺琉璃世界同醉
九霄月

木蘭花慢

秋帆

挂秋風十幅澄波淨轉飄揚共五兩多情煙蒲無
恙拂露凝霜高張甚時送遠更涼天不了帶殘陽
半偃楓林思闊孤懸橘岸情長 蒼茫極望渺脩

江去鴈趁斜行記酒盞詞箋水雲飛渡天外鱸鄉
相羊暮侵岫影是何時吹笛泝瀟湘猶及菱歌唱

晚一篷月卸樓窗

南莊有卸帆樓

又 秋燈

又西風漏永看一點竹間幽正河漢光清梧桐影
淡回照高樓悠悠露飄半蕊伴微吟常認冷螢流
銷卻涼堂鬢老年年移近牀頭 堪羞只合背窗
休玉局是誰收悵花空酒遠也應怕說西漆南油
凝眸草蟲暗語待呼來更帶搗衣愁思滿漁汀遠
火夢回鴈字殘篝

好事近

白秋海棠

腸斷碧秋煙不是困嬌時節空有一痕冰淚滴墻
陰殘月 燕支成粉不多時便粉也消歇還把七
分春恨向西風低說

金籬子

橙

風味木奴堪作佐色飽秋腴釀得金罌大霜外摘
殘餘幾箇一年好景重陽過 試搗香壘新酒和
愛煞柔荑搓後纖羅裹況是江南鱸玉破絲絲付
與厨孃可

水龍吟

秋日環溪

幾番欵竹敲門林陰漸薄荷衣碎蒼雲一片青苔
鋪徑西風吹袂白髮多情小橋依舊嫩涼歸水覺
香來何處詩魂染透詩都在濃香裏 碧落塵空
如洗倚高窗隔江看翠棘籬葦箔豆豉瓜堰畫秋
無際露冷紅芙蓉清圓菊動人遙思把芳尊付與
明蟾影底伴重來醉

菩薩蠻

著老堂秋池

縠紋細細流泉割橫階一片琉璃活水面欲生涼
涼生先倚窗 幽人來照影丁倒簾花暝綠淨認
澄潭秋螢飛兩三

買陂塘 仲秋集 東園

貯幽壺颯然涼思淡人情致如許枯荷折葦驅殘暑一點月香懸樹鷗試住認短短平橋野水當門護軒窗暗數看白髮梳風冲襟浥露秋艷待分付重經處依舊回汀斷淑蘭成憔悴吟賦玉琴彈徹天容淨消得酒經花譜雲半縷聽隱隱漁歌隔岸斜陽暮江南舊侶怕社燕將歸殘蟬對語沙尾挂帆去

醉太平 山館春夜竹町對鷗至自錢唐

山心水心梅林竹林春風吹到樓陰喜今宵共吟

琴
情長坐深年移鬢侵紅燈綠酒頻斟動窗前玉

綺羅香 簾

春色從窺庭陰自曳愛說吳儂曾織十二波橫窄地風搖晴碧紅樓啟燕子飛時繡牀垂杏花開日最憐他犀押重重細縈煙篆閉愁寂 閒窗猶記倦倚正無人晝永絮吹狼藉小雨如塵一桁嫩寒難隔控瓊鈎淺夢湘娥懸素額暗思仙客未須嫌碎影參差捲花篩月入

如夢令

香在翠簾中度人在濕雲中住鳩語晚生寒夢入
竹籬深處春雨春雨落了梅花一樹

虞美人 榆錢

青青小串生愁思莫共苔爭翠年年狼藉怨殘紅
試問枝頭能買幾春風 一番香雨新晴驟已是
春歸後沈郎階砌漸無多更奈楊花飛墮謝庭何

攤破浣溪沙

題搖碧齋

野水滌回兩版寬不安窗戶儘幽閒畫卷書籤從
載了少風湍 鷗夢破時舷叩月魚波平處檻橫
煙只有綠簑相識得下前灘

蝶戀花

題汪西顥花塢卜居圖

攜得琴書湖上住猶道湖心未是深深處一壑煙
霞思占取淡香引入梅花去 花北花南雲幾縷
人在其中當了閒家具何日真來敲竹戶泉聲相
答幽禽語

湘月

鏤竹屏風

誰裁碧玉把楚雨湘雲安排花底坐隔春風逢客
至一段歲寒詩意上鏤松梅雲母爲胎琉璃作骨那得清
如此纖塵不惹望來猶是煙翠 底用六扇橫施
隨人屈曲賦就誇棋子縱是雕鏤紛滿眼稱得文

南齋詩 卷二 五
窗人倚簾映波紋闌回卍字別有涼秋致漫遮月
影透空疑上藤紙

四字令

秋雨初涼坐
山館西廊

蝸墻篆苔書窗麝煤秋風小院同來看薇花正開
茶斟數杯詩敲淡懷蕭蕭一陣涼催碎梧桐半
階

繡帶兒

綬帶
鳥

繡帶過身長偏惹落花香認作銜巾青鳥可惜不
成雙 林密伴鶯藏閒院落跳躑何妨綠陰陰底
雲裁翠翦一晌飄颺

醉桃源

暮春

輕寒輕暖最愁人看看過卻春海棠褪了到梨雲
楊花飄滿巾 天淡淡水泆泆多情惟酒尊韶華
不戀老來身虛亭風雨頻

瀟湘夜雨

晚清軒
新竹

鸞尾才分綉兒初脫翠梢已是珊珊昔曾吟處越
高閒風不斷泉聲自遠窗乍啟雲影添寒還堪愛
偏知巧補轉覺庭寬 青棠花外白蘋沼畔一例
平安向抽空濕粉選箇漁竿書舊句青光待斫聽
夜雨逸調先彈須留與磚爐笛簟三伏叩門看

賀新涼 午睡

新燕梁間語最無聊日長人倦翠陰庭宇飛盡楊
花心共遠彩翅翩翩自舞正竹几藤牀斜據雙眼
曾騰書卷在儘蕭閑林影橫堦去簾隙裏度香縷
安神便與羲皇遇任瓶花欲開更落紛紛無數
惟有清風時破卻一盞雲腴勝乳問此去鄉遙何
許滋味黑甜誰會得怕吟多遮斷華胥路渾未覺
客敲戶

蝶戀花 行菴鶯粟花同
南圻漁川作

露片風囊先有意白白朱朱襯出林陰翠自是客

愁無萬里年年點綴閒庭砌 吟次紛然飄滿地
黃鳥飛時狼藉留無計竹裏經聲人散未忍飢日
暮還相對

最高樓 登遙
岑閣

清陰密熨眼上平梯幽翠一壺迷殘春剩有餘芳
殿高窗未礙遠天低算中間開別境與詩宜 看
一霎雲光遮不住愛一抹嵐光濃欲赴渾不覺凭
移時蒼濤白鷺三江外落花飛絮五塘西倩芳醪
邀寸碧對斜暉

好事近 辛未十二月舟泊清江遲
家兄南還立春次日也

倚棹古黃河水國春歸時節極目鴈飛來處憶長
條曾折 離情消盡酒杯中燈花幾重結猶有今
宵客夢隔霜隄殘月

齊天樂

蛾

玉蛾似夢初離蛹纖纖粉痕愁絕弱羽如冰單綃
入畫半化南園風蝶蟲天漫別問園客多情當年
曾說更愛釵梁幾回同鬧上元節 而今閒情頓
減怕花間又到銀屏輕帖曲裏聲長燈前火暗無
復珠庭瑤闕看山意切甚螺黛橫空脩眉遙列正
值初三一彎還映月

謁金門

棟花和
玉几

陰漠漠棟子花開簷角催得韶華都過卻東風渾
未覺 喜有茶杯相約低映一枝紅藥只恐明朝
吹又落閒吟無處着

浣溪沙

夏日
湖上

蘸柳波明與岸平水雲分影趁人行野航隨意午
風清 數點雨飄湘簟冷半塘香散越蕉輕此此
弦月隔林生

菩薩蠻

水亭

綠楊影裏浮萍破歌聲斷處搖船過重到淺汀邊

南齋記 卷二
藕花如去年 紅亭開四面依舊閒鷗占一陣水
風涼和雲和雨香

南樓令 秋院

秋色小庭閒和秋度石闌傍秋花爽入吟箋剛是
竹風吹夢醒聽一片玉珊珊 天外鳥飛還斜陽
過雨殘看餘霞明滅林端定有涼蟾今夜好須憑
着酒杯寬

又 歸燕

社鼓一聲催茅檐秋半時算江南江北天涯回首
落花雙翦翠鷲忽地背人飛 何日是來期春風

百五遲下重簾總是相思銜得愁來成玉瘦偏不
會共愁歸

解珮令 竹窗

風生藤紙涼生斐几襯花壺雪蒼雲翠冉冉紛紛
搖不盡瀟湘秋意小紋疏晝陰如水 庭隅點綴
廊腰幽邃最宜人茗香眠起一翦無塵吟淡句別
成清悶勝橫看老迂畫裏

浪淘沙 秋日雨中題高
西唐花卉卷

妙筆勝青藤露冷風清一花一葉一愁生花有數
般愁萬頃無限飄零 宿草已青青舊夢無憑笑

南齋詩 卷二 九
蓉何處主仙城細雨亦知人有恨灑遍閒廳

龍山會 九日梅花嶺

素節孤鴻叫易得愁成古嶺同登眺枯梅生晝悄
荒原外剩見落英黃小蕭瑟舊亭臺還極望碧天
空宵黯銷凝城隅臥碣一痕殘照 依然淮海東
流今古匆匆不了閒雲笑西風休戀帽無人語月
夜鶴歸華表回首已年年持螯手秋腴鬢老問明
年攜壺甚處盡醉方好

明月逐人來 南圻齋前新種松梅數本因賦

高柯貞絕斜枝清絕窗櫺外澗雲江月漫添客土

休共春風說一種凌霜犯雪 何況疎筠只隔小
池幽塢邀閒玩歲寒時節冷香翠色先入琴三疊
不怕冰弦凍折

南鄉子 懷竹町對鷗兄弟湖上

音問阻江關兩地相思水一灣只有鴈行從伴得
湖干目斷南雲歲欲殘 何日棹船還想見層巖
冰雪寒若向逋仙山下過憑闌應對梅花悵獨看

金人捧露盤 祀竈

潔明粢斟明水薦明禋一年年請慣比鄰黃羊依
舊掃除曲突徒勞薪全家羅拜恍深宵風馬雲輪

南齊書 卷二
夢誰營形誰役人誰競物誰分更何煩上告天
閣殘年飽飯犬貓無事雀兒馴麟經半卷據觚聽
便荷神恩

南樓令

新晴
渡江

便覺境非凡中流逸興酣四無風一葉雲帆欲寫
晴光無寫處渾不覺到江南回首影空涵天青
水蔚藍喜多情浮玉輕嵐不似去年波浪濶有沙
鳥導吟衫

眼兒嬌

將至吳門先
東陸茶塢

蕭蕭暮雨起吳謳雙槳劃春流故人花外舊遊夢

裏往事橋頭吟情酒意尋常有欲放五湖舟閭

門楊柳琴臺風月先訪問邱

月下笛

宛轉橋
晚步

暮色蒼然夕陽半落雲明滅曲闌干摺散了狂蜂
蝶幾許詩心休向垂楊說山重疊正閒時節人
倚平橋月

滿江紅

渡太
湖

滉漾無垠三萬頃春波練鋪四望裏水迎山送煙
挾雲扶一葉舟輕鷗外遠滿弓帆飽鏡中孤喜今
朝安穩浪花中風半湖賓萬象凌太虛橫玉笛

南齊書 卷二
駐金烏向中流容與談笑歌呼茶竈筆牀逢甫里
功成身退羨陶朱算往來兩度翠壺行偕釣徒

百字令

送竹町對
鷗歸錢唐

故山何處悵尊前斷鴈一聲嘹唳極目孤帆懸短
夢不是閒中遊歷落葉蕭蕭澄江渺渺水與雲同
色此中人去蘆梢低映頭白 曾記笠澤分題風
燈煙渚握手成南北何況新阡躬負土黯黯麻衣
如雪九里松聲兩峯月影冰斷愁千尺寒潮嗚咽
陸家兄弟堪憶

瑤華

著老堂
咏梅蕊

陽爻子月入眼紅椒似一痕初點珠胎玉粒還又
是的爍香心難展清池搖影也逗起隴頭人怨是
依然半返冰魂誤卻高枝柔腕 翠壺空裏相將
釀詞筆春風後日曾見棲禽小小早占斷竹外閒
廳幽院西湖千樹想猶鎖寒雲一片待月明吹笛
煙江約共何郎吟遠

謂竹町對
鷗兄弟

絳都春

環溪
桃花

霞歆霧暉又萬樹弄晴一溪紅破印蘚徑紆臨水
窗低和煙鎖今朝未許春泥浣算留得春風酌和
去年芳訊魂消半面者番纔果 婀娜鶯梢燕掠

斷橋外掩映翠筠千箇艷色艷香飛上吟箋真無
那多情直欲花間臥便一枕遊仙吹過朗吟月轉
汀灣倩誰伴我

浪淘沙

秋江晚泊

蕭瑟滿船秋蘆葉汀洲潮生潮落趁閒鷗一片暮
霞遮我住客興悠悠酒酌兩三甌雲水淹留沙
頭風色未須愁多謝漁燈相掩映回首僧樓

南樓令

嘯齋竹町對鷗漁川偶過山館爲此曲見寄撫今追昔黯然於懷因和以志感

竹色冷冥濛苔痕石徑封助淒清槐雨桐風重覓
前蹤何處覓消歇了幾枝筇蟬噪小樓東閒吟

客偶同歎逢迎酒盞成空觸撥愁心江水上且休

說隔江峯

對鷗有欲豁雙眸何處豁獨自上看山樓句

女冠子

庚辰孟夏偶憶晚清軒觴咏之盛多在綠陰芳卉中年來此風邈不可得因填此闋寄南圻京師

四月十七

宋人成語昔曾於此日同玉几賦棟花小閣又曾與同人於池上作初夏詞

棟花簷外風

急游絲飄盡燕雛方乳一徑苔青一池波碧醱醱
開又畢幾日粉筠綉脫錦葵苞坼捲疎簾看裊爐
煙閒卻茗香林隙闌干五載虛吟席剩池魚吹
絮識箇中消息舊情堪憶怎便忍楚水吳山拋得
燕雲千里隔只有夢魂來去片時南北料關心添
了酒逋藥券等閒堆積

南圻時抱疾粗愈

小重山

題江雲谿
小齋雲圖

說着家山色欲飛雲嵐相接處有巖扉松聲鶴語
兩相期銷凝處天外看雲歸 悟盡世緣非溪流
堪滌筆翠沾衣人生何事願長違清夢遠同覓舊
苔磯

南齋詞卷二終



